



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKA UPRAVA

Služba za lokalno poslovanje
Broj: 07-02-4990-1/24
Sarajevo, 26.06.2024. godine

Gradonačelnica
Prof. dr Benjamina Karić

PREDMET: Mišljenje Službe na Zahtjev Udruženje „Zajedno smo jedno“ za sticanje statusa udruženja od značaja za Grad Sarajevo, broj: 07-02-4990/24, od 24.06.2024. godine

Poštovana gradonačelnice,

Udruženje „Zajedno smo jedno“ dostavilo je zahtjev za sticanje statusa udruženja od posebnog značaja za Grad Sarajevo, broj: 07-02-4990 od 24.06.2024. godine.

Odlukom o uslovima i načinu sticanja statusa udruženja i fondacija od posebnog značaja za Grad Sarajevo (Službene novine Kanton Sarajevo, broj: 51/21) propisani su uslovi za sticanje navedenog statusa (u daljnjem tekstu Odluka).

Uz zahtjev je dostavljena dokumentacija kojom se dokazuje da Udruženje „Zajedno smo jedno“ ispunjava opće uslove iz člana 4. Odluke.

U zahtjevu se navodi da je Udruženje „Zajedno smo jedno“ - Think Pink jedna je od najuspješnijih nevladinih organizacija u Bosni i Hercegovini koja se bavi osnaživanjem zdravlja žena i pružanja podrške osobama koje se bore s karcinomom dojke, kroz različite aktivnosti i rad na terenu.

Ove godine obilježavaju 20 godina rada u području ženskog zdravlja u Bosni i Hercegovini u području osnaživanja zdravlja žena, kroz implementaciju različitih aktivnosti, s fokusom na rano otkrivanje karcinoma dojke, prevencije i ranog otkrivanja ginekoloških karcinoma, direktne podrške ženama koje prolaze kroz bolest i pružanja usluga zdravoj populaciji s ultimativnim ciljem smanjenja smrtnosti od ovog oboljenja. Organizacija radi i djeluje s ciljem podizanja svijesti o karcinomu i promocije zdravlja svake žene bez obzira na finansijsku situaciju, nacionalnu pripadnost ili obrazovanje, te podržava žene koje su preživjele karcinom dojke i obezbjeđuje im široki spektar psihosocijalne podrške i rehabilitacije.

Godine iskustva i ostvareni utjecaj organizacije, kako na lokalnom, tako i državnom i internacionalnom nivou, te naučene lekcije i pozitivan feedback s terena, su omogućili Udruženju „Zajedno smo jedno“ da stekne povjerenje i kredibilitet različitih stakeholder-a.

Nakon 19 godina fokusiranog rada, obzirom na isporučene kvalitativne i kvantitativne rezultate, te dugoročni utjecaj u društvu, Udruženje „Zajedno smo jedno“ je steklo uslove za otvaranje prvog Centra za osnaživanje ženskog zdravlja u državi, regionu, ali i Europi - Think Pink Centra u Sarajevu. Think Pink Centar je prekretnica u radu organizacije, a koji je donio institucionalizaciju aktivnosti i pružanja podrške ženama suočenim s karcinomima.

Adresa: Hamdije Kreševljakovića 3

71 000 Sarajevo

Tel.: +387 33 407 443

Fax: +387 33 208 341

Email: grad@sarajevo.ba

Web: www.sarajevo.ba



Grad Sarajevo je u 2023. godini izdvojio finansijska sredstva za adaptaciju prostora, opremanje i provođenje aktivnosti Think Pink Centra,
Takoder, Grad Sarajevo je proteklih nekoliko godina izdvajao budžetska sredstva za Udruženje Zajedno smo jedno, u iznosu od 10.000,00 KM.

Internacionalno djelovanje Udruženja „Zajedno smo jedno“ doprinosi afirmaciji Grada Sarajevo i Bosne i Hercegovine na europskom i svjetskom nivou kroz organizaciju najvećeg društveno odgovornog događaja za žensko zdravlje u Sarajevu - Race for the Cure, ali i kroz osnivanje europske organizacije Think Pink Europe sa sjedištem u Briselu, kojom od 2022. godine predsjedava Nermina Hasić, direktorica Udruženja (<https://www.thinkpinkeurope.org/en/Who-we-are/Think-Pink-Europe>)

U svijetu se održava preko 150 Race for the Cure događaja, gdje svake godine za unaprjeđenje zdravlja žena trče i šetaju milioni ljudi. Bosna i Hercegovina i Sarajevo su se svjetskoj mreži gradova i zemalja koje organizuju ovaj društveno odgovorni događaj za zdravlje žena pridružili 2008. godine, te je bh. Race for the Cure bila jedna od najuspješnijih manifestacija u Europi.

Udruženje „Zajedno smo jedno“ svake godine pripremi i distribuira između 1200 i 1500 paketića prve pomoći za svaku novooperisanu ženu od karcinoma dojke, te finansira između 2000 i 2500 mamografskih i dodatnih pregleda za žene u potrebi širom Bosne i Hercegovine. Već 20 godina podržavaju udruženja pacijentica oboljelih od karcinoma dojke na području cijele države, te u ovoj godini pored psihosocijalne podrške koja se odvija kontinuirano u Think Pink Centru, aktivnosti se odvijaju u 14 gradova Bosne i Hercegovine (na području oba entiteta i Brčko Distrikta). Udruženje već 20 godina finansijski podržava udruženja pacijentica oboljelih od karcinoma dojke. Na nacionalnom nivou osnovali su i vode Think Pink Mrežu koja okuplja 17 lokalnih udruženja pacijentica oboljelih od karcinoma dojke. Sve aktivnosti Udruženja i sveobuhvatan pristup tematici kojom se bave, doprinose afirmaciji različitosti bh. društva, ujedinjenju različitih skupina društva oko zajedničkog problema, slaveći život i promovišući multietničnost i multikulturalnost bh. društva, kroz zajednički društveni, socijalni, ekonomski i prvenstveno zdravstveni problem - ženski karcinomi.

Shodno navedenom, Udruženje „Zajedno smo jedno“ ispunjava posebne uslove iz člana 5. Odluke i to:

- doprinos afirmaciji Grada Sarajeva kao multikulturalnoj i multietničkoj sredini
- interes građana grada Sarajeva
- mogućnost uključivanja u međunarodne događaje kojima se omogućava afirmacija Grada Sarajeva kao administrativnog, kulturnog i turističkog centra.

U skladu s članom 8. stav 1. Odluke, Služba za lokalno poslovanje mišljenja je da Udruženje „Zajedno smo jedno“ ispunjava opće i posebne uslove propisane Odlukom, te predlaže da se Odluka o utvrđivanju posebnog značaja za Grad Sarajevo predloži Gradskom vijeću Grada Sarajeva na usvajanje, u iznosu od 10.000,00 KM kojim će se Udruženje finansirati u narednim budžetskim godinama.

Obradila:

11

POMOĆNIK GRADONAČELNICE

Merima Hadžiabdić

Elvir Hadžiahmetović

Dostaviti:

- Naslovu
- U spis



PRIMLJENO: 24-06-2024		
Organizaciona jedinica	Klasifikacija	Broj priloga
07	02	4990

Ref.: 21-06-01/2024

Bosna i Hercegovina

Grad Sarajevo

Ul. Hamdije Kreševljakovića br. 1

71000 Sarajevo

N/R Benamina Karić, gradonačelnica

U Sarajevu, 21.06.2024.

Predmet: Molba/Zahtjev za sticanje statusa udruženja od posebnog značaja za Grad Sarajevo

Poštovana gospođo Karić,

U skladu sa „Odlukom o uslovima i načinu sticanja statusa udruženja i fondacija od posebnog značaja za Grad Sarajevo“, koje je donijelo Gradsko vijeće Grada Sarajevo, 01.12.2021., a objavljena u „Službenim novinama Kantona Sarajevo, broj 51/21“, dana 23.12.2021., ispred organizacije “Think Pink – Zajedno smo jedno” Vam se obraćamo sa Molbom/Zahtjevom za sticanje statusa udruženja od posebnog značaja za Grad Sarajevo.

Think Pink – Zajedno smo jedno je jedna od najuspješnijih nevladinih organizacija u Bosni i Hercegovini koja se bavi osnaživanjem zdravlja žena i pružanja podrške osobama koje se bore sa karcinomom dojke u našoj državi kroz različite aktivnosti i rad na terenu. Tokom posljednjih 20 godina naše aktivnosti su dotakle, služile i pružile podršku desetina hiljada žena i njihovim porodicama, studentima i srednoškolicima.

Naša organizacija ove godine obilježava 20 godina rada u području ženskog zdravlja u Bosni i Hercegovini u području osnaživanja zdravlja žena, kroz implementaciju različitih aktivnosti, sa fokusom na rano otkrivanje karcinoma dojke, prevencije i ranog otkrivanja ginekoloških karcinoma, direktne podrške ženama koje prolaze kroz bolest i pružanja usluga zdravoj populaciji sa ultimativnim ciljem smanjenja smrtnosti od ovog oboljenja. Organizacija radi i djeluje sa ciljem podizanja svijesti o karcinomu i promocije zdravlja svake žene bez obzira na finansijsku situaciju, nacionalnu pripadnost ili obrazovanje, te podržava žene koje su preživjele karcinom dojke i obezbjeđuje im široki spektar psihosocijalne podrške i rehabilitacije.

Godine iskustva i ostvareni uticaj organizacije, kako na lokalnom, tako i državnom i internacionalnom nivou, te naučene lekcije i pozitivan feedback sa terena, su omogućili organizaciji „Think Pink - Zajedno

smo jedno“ da stekne povjerenje i kredibilitet različitih stakeholder – a. Nakon 19 godina fokusiranog rada, obzirom na isporučene kvalitativne i kvantitativne rezultate, te dugoročni impact u društvu, organizacija Think Pink – Zajedno smo jedno je stekla uslove za otvaranje prvog Centra za osnaživanje ženskog zdravlja u državi, regionu, ali i Europi – Think Pink Centar u Sarajevu. Think Pink Centar je prekretnica u radu i dostignuti milestones rada organizacije, a koji je donio institucionalizaciju aktivnosti i pružanja podrške ženama suočenim s karcinomima.

Internacionalno djelovanje Think Pink – Zajedno smo jedno doprinosi istovremeno afirmaciji Grada Sarjevo i Bosne i Hercegovine na Europskom i svjetskom nivou kroz organizaciju najvećeg društveno-odgovornog događaja za žensko zdravlje u Sarajevu – Race for the Cure, ali i kroz osnivanje europske organizacije Think Pink Europe sa sjedištem u Briselu, kojom od 2022. godine predsjedava Nela Hasić, direktorica Think Pink – Zajedno smo jedno. Ove godine, 17. po redu Race for the Cure će se održati 29.09.2024. u Sarajevu, sa ciljem da okupi više hiljada građana i građanki iz svih dijelova Bosne i Hercegovine na ulicama glavnog grada, oko zajedničkog problema – karcinoma dojke. U svijetu se danas održava preko „Race for the Cure®“ događaja, gdje svake godine za unapređenje zdravlja žena trče i šetaju milioni ljudi. Bosna i Hercegovina i Sarajevo su se svjetskoj mreži gradova i zemalja koje organizuju najveći društveno-odgovorni događaj za zdravlje žena pridružili 2008., te je bosanskohercegovačka Race for the Cure bila jedna od najuspješnijih manifestacija u Europi.

Think Pink – Zajedno smo jedno svake godine pripremi i distribuira između 1200 i 1500 paketića prve pomoći za svaku novooperisanu ženu od karcinoma dojke, te finansira između 2000 i 2500 mamografskih i dodatnih pregleda za žene u potrebi širom Bosne i Hercegovine. Već 20 godina podržavamo udruženja pacijentica oboljelih od karcinoma dojke na području cijele države, te u ovoj godini pored psihosocijalne podrške koja se odvija kontinuirano u Think Pink Centru, aktivnosti se odvijaju u 14 gradova Bosne i Hercegovine (na području oba entiteta i Brčko Distrikta). Think Pink – Zajedno smo jedno već 20 godina finansijski podržava udruženja pacijentica oboljelih od karcinoma dojke. Na nacionalnom nivou smo osnovali i vodimo Think Pink Mrežu koja okuplja 17 lokalnih udruženja pacijentica oboljelih od karcinoma dojke.

Sve naše aktivnosti i sveobuhvatan pristup tematici kojom se bavimo, također doprinose afirmaciji različitosti bosanskohercegovačkog društva, ujedinjenju različitih skupina društva oko zajedničkog problema, slaveći život i promovišući multietničnost i multikulturalnost našeg društva, kroz zajednički društveni, socijalni, ekonomski i prvenstveno zdravstveni problem – ženski karcinomi.

U prilogu Vam dostavljamo kratak Elaborat i genezu rada i djelovanja udruženja Think Pink – Zajedno smo jedno, kao i narativni Godišnji izvještaj organizacije, te se nadamo da će naše udruženje dobiti status udruženja od značaja za Grad Sarajevo, na osnovu dugogodišnjeg rada i djelovanja, te doprinos afirmaciji Grada Sarajevo na Europskom i svjetskom nivou, ali i važnosti pružanja usluga građankama Sarajeva i šire, suočenim sa karcinomom dojke i ginekološkim karcinomima.

S poštovanjem,

Nela Hasić

Izvršna direktorica



PRIMLJENO: 25-06-2024		
Organizacioni Jednost.	Podjela Zl. Čl.	
07	02	4990-1

Ref.: 25-06-02/2024

Bosna i Hercegovina

Grad Sarajevo

Ul. Hamdije Kreševljakovića br. 1

71000 Sarajevo

U Sarajevu, 25.06.2024.

Predmet: Dopuna dokumentacije, broj 07- 02 - 4990

Poštovani,

U prilogu dostavljamo:

1. Rješenje o registraciji (ovjerena kopija)
2. Izvod iz registra udruženja od 15.05.2024. (ovjerena kopija)
3. Izjava da udruženje ne obavlja aktivnosti u ime političke partije

S poštovanjem,



Direktorica

Broj: 03-05-2-19/17
Sarajevo, 09.05.2023. godine

Federalno ministarstvo pravde, rješavajući po zahtjevu Udruženja „Zajedno smo jedno“ za upis promjena u Registar udruženja, na osnovu člana 33. stav 2. Zakona o udruženjima i fondacijama („Službene novine Federacije BiH“, broj: 45/02) i člana 200. Zakona o upravnom postupku („Službene novine FBiH“, broj: 2/98, 48/99 i 61/22), donosi

RJEŠENJE

Upisuje se u Registar udruženja kod Federalnog ministarstva pravde Sarajevo, sa danom **09.05.2023.** godine, promjena upisa za udruženje: **Udruženje „Zajedno smo jedno“**, naziv udruženja na engleskom jeziku: **Association „THINK PINK“** sa sjedištem u **Sarajevu**, ulica **Trg Fra Grge Matića broj 4/II**, upisano u Registar udruženja kod ovog ministarstva pod registarskim brojem **1876**. knjiga III Registra, dana **13.01.2017.** godine, i to:

1. **Promjena adrese - sjedišta Udruženja** na način da se upisuje nova adresa Udruženja, i to: **Sarajevo**, ulica **Trg Fra Grge Martića broj 4/II**,
2. **Promjena ciljeva i djelatnosti Udruženja**, u skladu sa Odlukom Skupštine, broj: 02-A/2023 od 19.04.20223. godine,
3. **Promjena Statuta** – novi prečišćeni tekst Statuta usvojen na Skupštini udruženja, dana 19.04.2023. godine.

Udruženje je dužno ciljeve i djelatnosti predviđene Statutom, obavljati u skladu sa Zakonom o udruženjima i fondacijama i drugim zakonima i pozitivnopravnim propisima.

Ostali upisi u Registru izvršeni po Rješenju broj: 03-05-2-19/17 od 13.01.2017., 09.05.2018., 12.08.2020., 20.05.2021. i 27.03.2023. godine ostaju nepromijenjeni.

Naknadu za upis u Registar u iznosu od 200,00 KM, udruženje je dužno uplatiti na Jedinstveni račun Trezora Federacije Bosne i Hercegovine.


OBRAZLOŽENJE

Udruženje „Zajedno smo jedno“ podnijelo je ovom ministarstvu zahtjev za upis promjena, i to: promjena adrese-sjedišta Udruženja, promjena ciljeva i djelatnosti Udruženja, te promjena Statuta Udruženja, radi upisa u Registar udruženja.

Uz zahtjev je priložena sljedeća dokumentacija:

- Prijava promjene djelatnosti, statuta i članova upravnog tijela – obrazac broj 7,
- Odluka o izmjenama i dopunama Statuta Udruženja,
- Odluka o usvajanju ovog prečišćenog teksta Statuta Udruženja,
- Prečišćeni tekst Statuta Udruženja u dva primjerka,
- Zapisnik sa redovne sjednice Skupštine održane dana, 19.04.2023. godine,
- Punomoć za advokata.

Uvidom u priloženu dokumentaciju utvrđeno je da su navedene promjene u svemu izvršene u skladu sa članom 33. stav 2. Zakona o udruženjima i fondacijama i članovima 7. i 8. Pravilnika o načinu vođenja registra udruženja i fondacija i međunarodnih nevladinih organizacija („Službene novine Federacije BiH“, broj: 61/02, 8/08 i 78/10), i odredbama Statuta ovog Udruženja, pa je slijedom navedenog riješeno kao u dispozitivu rješenja.



Naknada za upis u Registar utvrđena je po rješenju federalnog ministra pravde broj: 01-341-750/14 od 18.02.2014. godine, na osnovu člana 54. stav 1. Zakona o udruženjima i fondacijama.

POUKA O PRAVNOM LIJEKU:

Ovo rješenje je konačno u upravnom postupku, te protiv njega nije dopuštena žalba, ali se može pokrenuti upravni spor. Upravni spor se pokreće tužbom kod nadležnog suda u roku od 30 dana od dana prijema ovog rješenja. Tužba se podnosi u dva identična primjerka, a uz istu se prilaže i ovo rješenje u originalu ili prijepisu.

Dostaviti:

1. Udruženje,
2. Zbirka isprava,
3. Poreska uprava,
4. Arhiva,
5. Federalno ministarstvo
zdravstva Sarajevo
AO

MINISTAR



**BOSNA I HERCEGOVINA
FEDERACIJA BOSNE I HERCEGOVINE
FEDERALNO MINISTARSTVO PRAVDE
SARAJEVO**

Broj: 03-45-1854/24
Sarajevo, 15.05.2024. godine

**IZVADAK
IZ REGISTRA UDRUŽENJA
FEDERACIJE BOSNE I HERCEGOVINE**

1. Naziv Udruženja
UDRUŽENJE „ZAJEDNO SMO JEDNO“

2. Skraćeni naziv Udruženja

**UPISANO JE U REGISTAR UDRUŽENJA
FEDERACIJE BOSNE I HERCEGOVINE**

U KNJIGU

III.

POD REGISTARSKIM BROJEM

1876.

3a. Datum upisa
13.01.2017.godine

3b. Broj i datum rješenja
03-05-2-19/19 OD 13.01.2017.g

4. Sjedište udruženja (mjesto, ulica i broj)
SARAJEVO, UL. TRG FRA GRGE MARTICA BROJ 4/II

5. Osobe ovlaštene za predstavljanje i zastupanje (ime, prezime i svojstvo)
NERMINA HASIĆ – predsjednica Udruge



MINISTAR

Vedran Škobić

Ref.: 25-06-01/2024

Bosna i Hercegovina

Grad Sarajevo

Ul. Hamdije Kreševljakovića br. 1

71000 Sarajevo

U Sarajevu, 25.06.2024.

Predmet: Izjava

Ja, Nermina Hasić, odgovorna osoba za predstavljanje i zastupanje udruženja „Zajedno smo jedno“ izjavljujem da je udruženje „Zajedno smo Jedno“, nevladina, apolitička organizacija, te da udruženje ne obavlja bilo kakve aktivnosti u ime ijedne političke partije.

S poštovanjem,


Nermina Hasic
Direktorica

ELABORAT I GENEZA RADA THINK PINK – ZAJEDNO SMO JEDNO

„THINK PINK - Zajedno smo jedno“

Think Pink – Zajedno smo jedno jedna je od najuspješnijih organizacija za osnaživanje zdravlja žena u Bosni i Hercegovini, pružanje direktne podrške oboljelima, promociju zdravlja svake žene i prevenciju bolesti, kroz implementaciju velikog broja različitih aktivnosti.

Organizacija radi i djeluje sa ciljem podizanja svijesti o karcinomu i promocije zdravlja svake žene bez obzira na finansijsku situaciju, nacionalnu pripadnost ili obrazovanje, te podržava žene koje su preživjele karcinom dojke i obezbjeđuje im široki spektar psihosocijalne podrške i rehabilitacije. Ženskim zdravljem i tematikom karcinoma dojke se u našoj zemlji bavi od 2004. godine, prvenstveno kroz Program osnaživanja zdravlja žena, koji prerasta u nacionalnu organizaciju Think Pink – Zajedno smo jedno, a koja nastavlja sa misijom usmjerenom na žensko zdravlje u različitim aspektima. Tokom godina, organizacija Think Pink – Zajedno smo jedno je osnovala i vodi nacionalnu Think Pink Mrežu koja danas okuplja 17 udruženja pacijentica oboljelih i liječenih od karcinoma dojke iz cijele Bosne i Hercegovine (oba entiteta i Brčko Distrikta).

Organizacija ima 20 godina rada i iskustva, implementacije različitih aktivnosti, fokusiranih na rano otkrivanje raka dojke, direktnu podršku ženama koje prolaze kroz bolest i pružanje usluga kako pacijentima tako i zdravoj populaciji, sa krajnjim ciljem smanjenja stope mortaliteta uzrokovane bolešću, te je dala veliki doprinos u poboljšanju kvaliteta života oboljelih, ali i direktno spasila mnoge živote, širom države. U 2024. obilježavamo 20 godina i rada u području zdravlja žena u našoj državi i šire.

Prateći najnovija naučna istraživanja, te preporuke i smjernice svjetskih i EU institucija u pogledu pružanja bolje skrbi i jednakog pristupa tretmanu za sve onkološke pacijente, kroz istovremeno pružanje direktne podrške pacijenticama oboljelih od karcinoma dojke i ginekoloških karcinoma, ali i iniciranje uvođenja i upotrebe telemedicine, kao i personalizirane medicine, kao važne karike u poboljšanju brige, njege i informisanja pacijenata, organizacija „Think Pink - Zajedno smo jedno“ djeluje u koraku sa vremenom i svjetskim trendovima u polju brige i njege onkoloških pacijenata.

Organizacija „Think Pink – Zajedno smo jedno“ jedna je od osnivača Evropskog udruženja „Think Pink Europe“ i veoma je cijenjena organizacija na evropskom nivou. Evropska organizacija Think Pink Europe sa sjedištem u Briselu, okuplja 30 nevladinih organizacija koje se bave karcinomom dojke iz 30 Evropskih zemalja, a od marta 2022. godine, Nela Hasić, direktorica udruženja Think Pink – Zajedno smo jedno je predsjednica organizacije Think Pink Europe.

CORE AKTIVNOSTI UDRUŽENJA

- ✓ Podizanje svijesti, razbijanje predrasuda i promovisanje ranog otkrivanja bolesti
- ✓ Besplatni mamografski pregledi za žene u potrebi, te besplatni dodatni pregledi
- ✓ Paketići prve pomoći za svaku novooperisanu ženu u državi
- ✓ Grupe psihosocijalne podrške za žene preživjele karcinom dojke i žene koje žive sa bolešću
- ✓ Individualna psihoterapija za žene koje prolaze ili su prošle kroz bolest
- ✓ Obilazak operisanih žena u bolnici
- ✓ Edukacija srednjoškolaca, zdravih žena u ruralnim i urbanim sredinama, žena koje prolaze kroz bolest i šire populacije
- ✓ Unapređenje komunikacije između ljekara i pacijenata
- ✓ Trening i izgradnja kapaciteta za Udruženja pacijentica
- ✓ Finansijska i resursna podrška za članice Think pink mreže
- ✓ Organizacija specijalnih javnih događaja, medijskih i zagovaračkih kampanja
- ✓ Konferencije na državnom i regionalnom nivou
- ✓ Saradnja sa svim relevantnim stejkholderima koji mogu dati doprinos unaprjeđenju brige i njege onkoloških pacijenata

Nacionalna Think Pink Mreža

Organizacija „Think Pink – Zajedno smo jedno“ 2005. godine je pokrenula i vodi nacionalnu Think Pink Mrežu. Nacionalna Think Pink Mreža okuplja 17 lokalnih udruženja žena preživjelih karcinom dojke, iz svih dijelova Bosne i Hercegovine koje zajedničkim i udruženim snagama rade na promociji zdravlja, na podizanju svijesti stanovništva o karcinomu dojke, razbijaju predrasude i bore se protiv stigmatizacije u vezi sa ovom bolešću, te kroz različite zajedničke aktivnosti ukazuju na važnost prevencije ovog veoma opasnog oboljenja. Organizacija Think Pink – Zajedno smo jedno je resursna organizacija koja finansijski podržava članice Nacionalne Think Pink Mreže u provođenju aktivnosti od značaja i u skladu sa misijom organizacije Think Pink – Zajedno smo jedno.

Pored finansijske podrške, organizacija Think Pink – Zajedno smo jedno kontinuirano već 20 godina radi na jačanju kapaciteta lokalnih udruženja pacijentica, kroz različite aktivnosti edukacije, podrške, mentorstva u raznim segmentima, sa ciljem jačanja lokalnih udruženja i postizanja i očuvanja njihove stabilnosti i održivosti, a sa ultimativnim ciljem pružanja podrške korisnicama – pacijenticama oboljelim od karcinoma dojke i članovima njihovih porodica.

Think Pink – Zajedno smo jedno finansira aktivnosti udruženja:

- ✓ „Behar“ Bihać,
- ✓ „Biser“ Goražde,
- ✓ „Bistrica“ Livno,
- ✓ „Brčansko srce“ Brčko,
- ✓ „Budućnost-za“ Zavidovići,
- ✓ „Donna“ Bugojno,
- ✓ „Iskra“ Banja Luka,
- ✓ „Nada“ Jajce,
- ✓ „Narcis“ Široki Brijeg,
- ✓ „Narcis-a“ Orašje,
- ✓ „Novi Pogled“ Mostar,
- ✓ „Ona je svjetlost“ Kakanj,
- ✓ „Renesansa“ Sarajevo.
- ✓ „Rubin“ Hadžići,
- ✓ „UOMO“ Cazin,
- ✓ „UŽT“ Tuzla,
- ✓ „Zraka sunca“ Kiseljak,
- ✓ „Život“ Zenica

Šta smo radili/e u 2023. godini?

2023. godina je dosad najuspješnija godina organizacije „Think Pink – Zajedno smo jedno“. Nakon 19 godina fokusiranog rada, koje s obzirom na isporučene kvalitativne i kvantitativne rezultate, te dugoročni impact u društvu, prepoznat od strane različitih stakeholder – a, organizacija Think Pink – Zajedno smo jedno je stekla uslove za otvaranje prvog Centra za osnaživanje ženskog zdravlja u državi i regionu – Think Pink Centar u Sarajevu. Think Pink Centar je prekretnica u radu i dostignuti **milestones rada organizacije**, a koji je donio institucionalizaciju dugogodišnjeg rada i aktivnosti organizacije.

Think Pink Centar, koji je otvoren u martu 2023. godine je resursni centar za pacijentice, zdravo stanovništvo i buduće mlade stručnjake u različitim oblastima njege onkoloških pacijenata, sa dodatnim fokusom na psihosocijalnu podršku i navigaciju pacijenata u zdravstvenom sistemu, sa ciljem olakšanja i poboljšanja puta pacijenta.

2023. godinu su obilježili sljedeći projekti i aktivnosti:

- Otvorenje Prvog Centra za osnaživanje zdravlja žena – Think Pink Centar u Sarajevu
- 16. po redu Trka/Šetnja za ozdravljenje – Race for the Cure 2023
- Besplatni pregledi za zdrave žene širom Bosne i Hercegovine kroz organizaciju „Dana zdravlja“
- Kontinuirana psihosocijalna podrška u 8 bosanskohercegovačkih gradova
- Paketići prve pomoći za svaku novooperisanu ženu od karcinoma dojke
- Edukacija stanovništva kroz upotrebu digitalnih alata i osmišljavanje inovativnih načina za edukaciju što većeg broja stanovništva – Think Pink Podcast sa medicinskim stručnjacima i drugim stručnjacima iz oblasti jačanja i očuvanja mentalnog i fizičkog zdravlja (nutricionisti, psiholozi, profesori sporta i sl.)
- Obilježavanje mjeseca podizanja svijesti o karcinomu dojke
- Podizanje svijesti o ginekološkim karcinomima sa fokusom na rak grlića materice
- Edukativni radni sastanci Think Pink Mreže
- Umrežavanje na Evropskom i svjetskom nivou
- Koordiniranje zajedničkih aktivnosti Think Pink Europe na području Balkana – koordinacija besplatnih mamografskih pregleda u Srbiji i na Kosovu
- Unaprjeđenje onkološke njege i sastanak onkoloških medicinskih sestara iz svih 5 Onkoloških klinika u Bosni i Hercegovini
- Izrada i pokretanje aplikacije Think Pink Navigator za olakšan put pacijenta u procesu dijagnostike, tretmana i praćenja osoba sa karcinomom dojke

Rezultati u 2023. godini (neki od)

U Think Pink Centru

- Više od 100 žena oboljelih od karcinoma dojke i drugih ženskih karcinoma dobilo uslugu u prvih 9 mjeseci
- Održano 100 seansi individualne psihosocijalne potpore
- Održano 23 grupne sesije sa psihologom
- Održano 20 različitih grupnih radionica i časova (tjelovježba, razgovori sa nutricionistom, sa radiologom, kulinarska druženja i različite lifestyle radionice)
- Održan trodnevni radno –edukativni sastanak članica Think Pink Mreže
- Održan dvodnevni sastanak onkoloških medicinskih sestara iz 5 Klinika za onkologiju u BiH
- Održani edukativni treninzi za mlade o filantropiji, građanskom aktivizmu, ženskom zdravlju, karcinomu dojke i ginekološkim karcinomima
- Pokrenute aktivnosti za žene sa ginekološkim karcinomima

Aktivnosti širom Bosne i Hercegovine

- U 8 gradova se odvijala kontinuirana psihosocijalna potpora (Banja Luka, Mostar, Brčko, Bihać, Zenica, Sarajevo, Tuzla, Bugojno)
- Više od 550 žena oboljelih od karcinoma dojke učestvovalo na različitim aktivnostima psihosocijalne potpore (grupni, individualan rad sa psihologom, peer grupe, okupaciona terapija, tjelovježba, izleti) u 8 gradova
- Održano 30 jednodnevnih događaja „Dani zdravlja“ širom Bosne i Hercegovine
- 2150 žena dobilo besplatne preglede (mamografski ili UZV u ovisnosti od životne dobi, ginekološke konsultacije, dodatni pregledi mjerenja šećera u krvi i krvnog pritiska i edukovano o važnosti redovnih pregleda u cilju ranog otkrivanja bolesti)
- 3 žene dijagnosticirane sa karcinomom dojke, a nekoliko stotina upućene na dodatne preglede
- Održana 16. po redu Race for the Cure
- 10.000 registrovanih učesnika/ca iz više od 45 gradova i mjesta Bosne i Hercegovine na Race for the Cure
- Više od 650 žena koje su preživjele karcinom dojke prepoznate u Sarajevu na Race for the Cure – žene u rozim majicama
- 50 mladih volontiralo na događaju
- Race for the Cure Sarajevo jedna od najuspješnijih događaja u Europi
- 1 150 operisanih žena je dobilo paketiće prve pomoći
- 80 žena je dobilo besplatan PAPA test

- 20 medicinskih profesionalaca učestvuje u programu
- 50 medija (printanih, TV, radio, internet) izvještava o aktivnostima Udruženja

Rezultati od 2004. do 2024. godine (neki od)

- Više od 80 000 registrovanih učesnika/ca na Race for the Cure
- Više od 10.000 žena suočenih s bolešću i članova njihovih porodica koje su dobile neku vrstu psihosocijalne podrške
- Više od 15.000 operisanih žena je dobilo paketiće prve pomoći
- Više od 90.000 osoba je učestvovalo na predavanjima i dobilo edukacijske materijale (do pandemije)
- Više od 20.000 žena u ruralnim dijelovima zemlje je dobilo besplatne mamografske preglede, kao i dodatne preglede kao što su: mjerenje šećera, pritiska, masnoće, PAPA test.
- 550 žena mlađih od 40 godina u 2023. je dobilo besplatan ultrazvučni pregled
- Više od 5.000 žena je dobilo besplatne konsultacije sa ginekologom
- Desetine žena su dijagnosticirane sa karcinomom dojke, što su direktno spašeni životi, a više od 1000 su upućene na dodatne preglede 40 medicinskih profesionalaca učestvuje u programu
- Najuticajniji mediji (printani, TV, radio, internet) izvještavali su o aktivnostima naše organizacije
- Organizovano 6 državnih konferencija
- Organizovane 4 regionalne konferencije

Ukratko o core aktivnostima

Trka/Šetnja za ozdravljenje – Race for the Cure – Najveći društveno odgovorni događaj u BiH

Race for the Cure je najveći društveno-odgovorni svjetski sportski događaj za žensko zdravlje koji se bavi osnaživanjem zdravlja stanovništva, podizanjem svijesti o karcinomu dojke, pružanjem podrške ženama suočenim s bolešću, kroz različite aktivacije i promociju zdravih stilova života.

16. izdanje Race for the Cure u Bosni i Hercegovini je najuspješniji event dosad, koji je u Sarajevu 01. oktobra 2023. okupio 10.000 građana i građanki iz cijele Bosne i Hercegovine, registrovanih kao učesnici i sponzori pojedinačnih timova na zajedničkoj europskoj platformi www.racefortheure.eu u 261 timu. Na najvećem društveno-odgovornom događaju u državi i regiji hiljade ljudi iz više od 45 gradova i mjesta iz cijele države, na ulicama glavnog bosanskohercegovačkog grada je slavilo život, ujedinjeni u zajedničkoj borbi protiv karcinoma dojke, koji su zajednički poslali poruku podrške svakoj osobi koja se bori s bolešću.

Trka/Šetnja za ozdravljenje "Race for the Cure" se u BiH održava od 2008. godine, čime su se organizacija, ali i Sarajevo i Bosna i Hercegovina pridružili svjetskoj mreži u borbi za život i podizanju svijesti o karcinomu dojke. Race for the Cure je do sada na ulicama glavnog bosanskohercegovačkog grada okupili više od 80 000 građana i građanki iz svih dijelova Bosne i Hercegovine.

Danas se održava preko 150 Race for the Cure događaja širom svijeta, a Sarajevo je sa ponosom dijelom ove priče. Trka je prvi put održana 1983. godine u Dallasu, SAD, kada je na trci učestvovalo samo 800 učesnika. Danas, na trci širom svijeta učestvuje više od milion ljudi.

U Bosni i Hercegovini, Race for the Cure je jedinstveni događaj koji okuplja građane i građanke iz svih krajeva naše države, žene koje su preživjele bolest i njihove prijatelje, timove učesnika, poznate ličnosti, a sve kako bi se podigla svijest u borbi protiv karcinoma dojke.

Bosanskohercegovačka Trka je radi izvanredne organizacije, 2016. godine u Dallasu dobila svjetsko priznanje i nagrađena je za najuspješniju internacionalnu Race for the Cure.

Besplatni pregledi

Glavni cilj ove aktivnosti je osnaživanje zdravih žena iz ruralnih područja i pružanje informacija o zdravim stilovima života koje će ženama pomoći da uspostave zdrave navike i unaprijede svoje zdravlje, kroz pružanje besplatnih mamografskih pregleda i dodatnih pregleda. **Dani zdravlja** za cilj imaju podizanje svijesti o karcinomu dojke i generalno osnaživanje ženskog zdravlja u našoj državi, kroz uspostavljanje komunikacije i saradnje različitih stejkholdera, a prvenstveno uspostavljajući komunikaciju između medicinskih radnika i pacijenata.

Kroz ovaj projekat se također uspostavljaju dugoročne veze i saradnja između zdravstvenih ustanova, zdravstvenih radnika i organizacija civilnog društva koje se bave ženskim zdravljem u svim krajevima države, te na taj način promoviše važnost zajedničkog djelovanja u cilju prevencije karcinoma dojke i smanjenja smrtnosti.

Tokom ovih jednodnevnih događaja, ženama se prvenstveno pružaju usluge besplatnog mamografskog pregleda, ali organizacija Think Pink – Zajedno smo jedno uvijek nastoji ženama obezbijediti i dodatne preglede, kao što su mjerenje nivoa glukoze u krvi, mjerenje pritiska, kao i ginekološke konsultacije i druge preglede. Think Pink Dane zdravlja provodi medicinsko stručno osoblje u saradnji sa ženama preživjelim karcinom dojke, pri čemu žene imaju mogućnost individualno popričati sa zdravstvenim radnicima i konsultovati se u vezi sa svojim zdravljem.

U prvoj polovini 2024. godine smo organizovali 24 Dana zdravlja na 14 lokacija i pregledali 1.250 žena.

Psihosocijalna podrška

Psihosocijalna podrška pacijenticama koje se bore sa karcinomom dojke je u svijetu veoma razvijena i provjerena metoda podrške ženama i predstavlja sastavni dio predoperativnog i postoperativnog tretmana. Veoma važan segment djelovanja organizacije Think Pink – Zajedno smo jedno je upravo pružanje psihosocijalne podrške oboljelima od raka dojke i članovima njihovih porodica širom zemlje. To je jedna od osnovnih aktivnosti koju razvijaju godinama i od velike je važnosti za žene koje prolaze kroz ovu bolest.

Think Pink – Zajedno smo jedno finansira psihosocijalnu podršku i istu razvija već godinama u nekoliko gradova širom Bosne i Hercegovine, u vidu grupnih i individualnih sesija psihosocijalne potpore sa psihologom, ali i kroz „peer to peer“ podršku, odnosno podršku koju pružaju žene koje su prošle kroz bolest i proces ozdravljenja, te razne vidove okupacione terapije. Aktivnosti samopomoći su veoma korisne za žene koje se

tek suočavaju sa bolešću, jer žene preživjele karcinom dojke a koje pružaju samopomoć, utiču na korisnice veoma pozitivno, poručujući da bolest nije kraj i da je karcinom dojke izlječiv, bez obzira koliko proces izlječenja može biti mukotrpan.

U 2024. godini, aktivnosti psihosocijalne potpore se odvijaju u Think Pink Centru u Sarajevu, te u 14 gradova Bosne i Hercegovine.

Rb.	Grad	Udruženje
1.	Banja Luka	UG „Iskra“ Savez žena
2.	Bihać	UG Behar
3.	Brčko	UG Brčansko srce
4.	Bugojno	UG Donna
5.	Cazin	UOMO Grada Cazina
6.	Goražde	UG Biser
7.	Kakanj	UG Ona je svjetlost
8.	Mostar	UG Novi Pogled
9.	Orašje	UG Narcis-a
10.	Sarajevo	UG Renesansa
11.	Široki Brijeg	UG Narcis
12.	Tuzla	Udruženje žena Tuzle
13.	Zavidovići	UG Budućnost-za
14.	Zenica	UG Život

Paketići prve pomoći

Svake godine, organizacija „Think Pink – Zajedno smo jedno“ pripremi između 1.200 i 1.500 paketića prve pomoći širom Bosne i Hercegovine. Paketići prve pomoći se već godinama uručuju svakoj novooperisanoj ženi od karcinoma dojke kroz nacionalnu mrežu udruženja i u saradnji sa zdravstvenim ustanovama u kojima se vrše operativni zahvati, domovima zdravlja, kantonalnim bolnicama i kliničkim centrima.

U 2024. smo obezbijedili i distribuirali 1.300 paketića prve pomoći širom Bosne i Hercegovine, koji sadrže: pamučna proteza, loptica za vježbanje, tri preparata za kožu na biljnoj bazi, jastučić u obliku srca, tri edukativna priručnika na temu ishrane, prirodnih preparata i pitanja koja postaviti doktoru prilikom procesa prolaska kroz bolest, broš u obliku vrpce, te poklon prijatelja koji podržavaju rad Udruženja.

Edukacijska predavanja

Do pandemije korona virusa, svake godine Think Pink – Zajedno smo jedno, u saradnji sa partnerskim udruženjima je implementirala edukativna predavanja za srednjoškolce, za žene kojima je dijagnosticiran karcinom dojke, ali i za zdrave žene širom Bosne i Hercegovine. Sistemski pristup podizanju svijesti od karcinoma dojke predstavlja edukacija stanovništva od rane dobi, jer informisanjem stanovništva o ovom opakom oboljenju, o načinu prevencije i važnosti osnaživanja zdravlja stanovništva i promocije zdravih stilova života, se dugoročno može postići krajnji cilj, a to je poboljšanje kvaliteta života stanovništva i smanjenje smrtnosti od karcinoma dojke.

U 2024. godini implementiramo Think Pink Edukativna predavanja za srednjoškolce u više od 100 srednjih škola širom Bosne i Hercegovine u saradnji sa 17 udruženja pacijentica oboljelih od karcinoma dojke.

Kontinuiran rad sa različitim stakeholder-ima

U radu naše organizacije, važan segment jeste kontinuirana saradnja i rad sa različitim stakeholder-ima na području osnaživanja ženskog zdravlja, podizanja svijesti, te zagovaranja za promjene i unaprjeđenje kvaliteta života, ranog otkrivanja, tretmana i cjelokupnog procesa prolaska kroz bolest, sa ciljem unaprjeđenja liječenja i samih ishoda liječenja.

Kontinuiran rad sa različitim stakeholder-ima, od medicinskih stručnjaka, zdravstvenih radnika iz različitih oblasti zdravstva, onkoloških medicinskih sestara, zdravstvenih ustanova na različitim nivoima zdravstvene zaštite, do donosioca odluka, akademske zajednice i medija, se ogleda u različitim organizovanim i spontanim događajima, što kroz organizovane aktivnosti organizacije Think Pink – Zajedno smo jedno, tako i prisustvom na različitim eventima, konferencijama i sastancima.

Vrlo često i rado, predstavnice Think Pink – Zajedno smo jedno učestvuju na različitim kako domaćim, tako i svjetskim konferencijama, na kojima mogu dati svoj doprinos, dijeljenjem dugogodišnjeg iskustva i ekspertize, ali i sa ciljem usvajanja novih znanja



i vještina, u pogledu trendova u dijagnostici, tretmanu i procesu liječenja, odnosno poboljšanju kvaliteta života osoba suočenih sa karcinomom.

Think Pink – Zajedno smo jedno ima veoma dobru saradnju sa medijima, koji podržavaju i prate rad organizacije Think Pink – Zajedno smo jedno, te doprinose podizanju svijesti i informisanju šire populacije, kako o ženskim karcinomima, prevenciji i ranoj dijagnostici, tako i aktivnostima koje naša organizacija provodi na području Bosne i Hercegovine.

Veliki značaj za organizaciju imaju i javne ličnosti koje podržavaju naše aktivnosti, te svojim ugledom daju veliki doprinos afirmaciji našeg rada.

Posebno smo ponosni na saradnju sa biznis sektorom u našoj zemlji. Podrška biznis sektora, koji su prepoznali kvalitet, značaj i važnost rada i djelovanja organizacije Think Pink – Zajedno smo jedno je najviše zaslužna za ovakve izvanredne kvalitativne i kvantitativne rezultate naše organizacije.